

PRAVILA PRIVATNOSTI

Cilj Pravila privatnosti Fonda za profesionalnu rehabilitaciju i zapošljavanje osoba sa invaliditetom (u daljem tekstu: Fond) je da, u skladu sa članom 14. Zakona o zaštiti ličnih podataka (u daljem tekstu Zakon), svim licima, čije lične podatke obrađuje, pruži osnovne informacije o toj obradi na transparentan način.

Svrha i pravni osnov za obradu ličnih podataka

Fond obrađuje Vaše lične podatke na temelju važećih zakonskih propisa (Zakona o profesionalnoj rehabilitaciji, osposobljavanju i zapošljavanju osoba sa invaliditetom, Zakona o zaštiti ličnih podataka i drugih relevantnih zakonskih propisa), izvršavajući svoje zadatke i ovlaštenja koji uključuju:

- Odgovaranje na vaše upite;
- Odgovaranje na zahtjeve za slobodan pristup informacijama;
- Provođenje politike rehabilitacije i zapošljavanja;
- Izvršavanje ugovornih obaveza Fonda;
- Ispunjavanje zakonskih obaveza;
- Vođenje administrativnih evidencija i izvještavanja nadležnih institucija u skladu sa zakonskim propisima.

Vaša prava u vezi sa obradom ličnih podataka

Imate pravo na:

- Pristup informacijama o obradi Vaših ličnih podataka
- Ispravku ili dopunu Vaših ličnih podataka
- Brisanje ličnih podataka kada više nisu neophodni u odnosu na svrhu u koju su prikupljeni
- Podnošenje prigovora Agenciji za zaštitu ličnih podataka u BiH (adresa: ul. Dubrovačka br. 6, 71000 Sarajevo)

Pristup vašim podacima

Pristup podacima imaju isključivo ovlaštene osobe u Fondu i eventualno ovlašteni vanjski pružaoci usluga sa kojima je zaključen ugovor i koji poštuju pravila postupanja sa ličnim podacima. Fond može dati lične podatke trećoj strani ukoliko je isto potrebno za izvršavanje zakonom propisanih obaveza treće strane ili ukoliko je to neophodno za izvršavanje legitimnih interesa treće strane.

Sigurnost ličnih podataka

Vaše lične podatke Fond obrađuje na način kojim se osigurava odgovarajuća sigurnost i povjerljivost kao i odgovarajuća primjena principa zakonite obrade ličnih podataka, smanjenje količine ličnih podataka, po principu neophodnosti, poštujuemo vremenski period čuvanja ličnih podataka kao i njihovu raspoloživost.

U cilju sigurnosti ličnih podataka primjenjuje se standard informatičke sigurnosti ISO 27001. Preduzete su organizacijske i tehničke mjere zaštite ličnih podataka, kako bismo osigurali: povjerljivost, integritet, raspoloživost, autentičnost, mogućnost revizije i transparentnost.

Fond ne prenosi lične podatke izvan BiH. Podaci se mogu dijeliti sa ovlaštenim vanjskim pružaocima usluga, isključivo za izvršenje ugovornih i zakonskih obaveza.

Vremenski period čuvanja ličnih podataka

Vaše lične podatke Fond obrađuje u vremenskom periodu koji je potreban da se ispuni svrha njihove obrade. Nakon prestanka svrhe u koju su prikupljeni, vaši lični podaci se više ne koriste, ali se čuvaju u arhivi onoliko vremena koliko obavezuju zakonski propisi o arhivskoj građi.

Promjene Pravila privatnosti

Fond će redovno ažurirati Pravila privatnosti kako bi ista sadržavala tačne informacije. O svim izmjenama i dopunama bit ćete blagovremeno informirani, u skladu sa principom transparentnosti.

Za ostvarivanje prava možete se obratiti službeniku za zaštitu ličnih podataka na dole navedene kontakt podatke.

Podaci o službeniku za zaštitu podataka

Email: szzp@fond.ba
Telefon: 033/717-740

NAPOMENA: Službenik za zaštitu ličnih podataka u Fondu ne daje pravne savjete drugim kontrolorima i obrađivačima. Njegova osnovna uloga je davanje savjeta i preporuka o obradi ličnih podataka rukovodstvu i zaposlenicima Fonda, koji rade na poslovima obrade ličnih podataka, te nosiocima ličnih podataka čiji lični podaci se obrađuju od strane Fonda.

Kontakt informacije

Fond za profesionalnu rehabilitaciju i zapošljavanje osoba sa invaliditetom
Adresa: Marka Marulića 2, 71000 Sarajevo
Telefon: 033/717-740
Fax: 033/717-821
Email: info@fond.ba